

影印  
文淵閣

四庫全書

影印

文淵閣四庫全書

第六四八冊

北京出版集團公司  
北京出版社

# 本冊目次

紹熙州縣釋奠儀圖

宋 朱 熹撰……………一

大金集禮

金 不著撰人……………二七

大金德運圖說

金 不著撰人……………三〇九

廟學典禮

元 不著撰人……………三三三

# 欽定四庫全書

史部  
紹熙州縣釋奠儀圖

詳校官編修臣曹錫齡

編修臣程嘉謨覆勘

總校官編修臣王燕緒

校對官編修臣莊通敏

膳錄監生臣高樹穎

## 欽定四庫全書

史部十三

紹熙州縣釋奠儀圖

政書類二儀制之屬

### 提要

臣等謹案紹熙州縣釋奠儀圖一卷宋朱子撰考朱子年譜紹興二十五年乙亥官同安主簿以縣學釋奠舊例止以人吏行事求故和五禮新儀於縣無之乃取周禮儀禮唐開元禮紹興祀令更相參考畫成禮儀器用衣服等圖訓釋辨明纖微必備此釋奠禮之初稿也淳熙六年己亥差知南康軍奏請頒降禮書又請增修禮書事未施行紹興元年庠戌改知漳州復列上釋奠禮儀數事且移書禮官乃得頗為討究時淳熙所鑄之板已不復存後乃得於老吏之家又以議論不一越再歲始能定議而主其事者適徙他官遂格不下此釋奠禮之再修也紹興五年甲寅除

欽定四庫全書

紹熙州縣釋奠儀圖  
提要

知漳州會前太常博士詹元善還為太常少卿始復取往年所被勅命下之本郡吏文繁複幾不可讀且曰屬有大典禮未遑偏下諸州時諸子方召還奏事又適病目乃力疾鉤校刪剔猥雜定為四條以附州案俾移學官是為最後之定稿即此本也書首載淳熙六年禮部指揮一通尚書省指揮一通次紹熙五年牒漳州州學備准指揮一通皆是錄原文

次州縣釋奠文宣王儀次禮器十九圖其所行儀節大抵採自杜氏通典及五禮新儀而折衷之後采二丁行事雖儀注少有損益而所據率本是書惟所列兩廡從祀位次有呂祖謙張栻則其事在理宗以後又有咸淳三年改定位次之文檢勘宋史禮志載咸淳詔書具先儒名數及東西次序與此書一一脗合與朱子益不相及蓋後人隨時附益又

非其原本矣乾隆四十四年六月恭校上

總纂官臣紀昀臣陸錫熊臣孫家鼐

總校官臣陸費瑔

欽定四庫全書

紹熙州縣釋奠儀圖

申請所降指揮

行在尚書禮部據南康軍申照對政和五禮新儀州郡元有給降印本兵火以來往往散失目今州縣春秋釋奠祈報社稷及祀風雨雷師壇壝器服之度升降跪起之節無所據依循習苟簡而臣民之家冠昏喪祭亦無頒降禮文可以遵守無以仰稱國家崇祀典範民彝之

欽定四庫全書

紹熙州縣釋奠儀圖

意申聞事欲乞特賜申明檢會政和五禮新儀內外縣臣民合行禮制鑄版行下諸路州軍其壇壝器服制度亦乞彩畫圖本詳著大小高低廣狹深淺尺寸行下以憑遵守及小貼子稱契勘王公以下冠昏喪祭禮鄂州見有印本但恐其間或有謬誤只乞行下取索精加校勘印造給降不須別行鑄版其州縣祭及壇壝器服制度即乞檢會抄寫圖畫別為一書鑄版行下尋行下太常寺去後今據本寺申本寺今准省部符據南康軍申

州縣春秋釋奠祈報社稷及祀風雨雷師壇壝器服之

度升降跪起之節循習苟簡乞特賜檢會政和五禮新儀內合行禮制行下本寺今開具政和五禮新儀州縣釋奠文宣王及祭社稷并祀風雨雷師儀注并壇壝器服制度頭連在前欲乞省部行下本軍照會其王公以下冠昏喪祭禮文欲依本軍所申乞從本寺牒鄂州取索印本候省部指揮施行申部所有太常寺元申繳到釋奠文宣王及祭社稷并祀風雨雷師儀注并壇

欽定四庫全書

紹熙州縣釋奠儀圖

壝器服制度今折連隨符前去須至符下南康軍主者候到仰收管遵用施行仍詳太常寺所申事理照會符到奉行淳熙六年八月 日下

淳熙編類祀祭儀式指揮

准淳熙六年十月二十日尚書省劄子朝散郎權禮部侍郎兼侍講齊慶胄劄子奏臣嘗聞樂記有云禮節民心樂和民聲政以行之刑以防之則知古先聖王所以治天下者必教之以禮樂然後輔之以刑政四者之目

禮居其首以明為國之重事所當先焉臣竊見政和五禮新儀舊嘗給降印本散于州郡中更多故往往失墜自後郡縣之臣循習苟簡或出于胥吏一時之記省漫不可考故於春秋釋奠祈報社稷祭祀風雨雷師壇壝器服之度升降跪起之節鄙野不經何以仰副國家欽崇祀典宣明教化之意近據知靜江府劉焞申乞置造行禮冠服及又據知南康軍朱熹申乞檢會禮制行下本部除已具申朝廷給降行下外竊慮諸路諸州多有欽定四庫全書 紹興州縣釋奠儀圖 三

政和五禮新儀及節次沿革見今祀祭所用冕服制度拜壇壝行禮儀注參考到如前

按二項指揮蓋文公先生守南康日申請檢會政和五禮新儀及取州縣禮制編次成書頒下四方雖先生繼以其書多牴牾復於臨漳條奏長沙刪定然此要為修明禮典之始也故列于潭州牒學之首庶有考焉若所領大中祥符器制元豐禮文先生不取則不載云

文公潭州牒州學備准指揮

准行在太常寺牒准行在尚書禮部符准紹熙三年八月十七日勅中書門下省尚書省送到禮部狀准批下禮部申據朝散郎直寶文閣權發遣漳州軍州兼管內勸農事朱熹狀申措置禮儀事本寺今將本官所乞事理逐一開項看詳下項伏乞省部備申朝廷候今降指揮日下從本寺將州縣釋奠文宣王位次序儀式改正及備坐今來申明指揮行下臨安府鏤版同紹興製造

禮器圖印造裝背作冊頒降施行所有印版候頒降畢日繳送本寺收掌申候指揮本部所據太常寺申所有繳連到文宣王神位次序儀式繳連在前伏候指揮候批送部逐一看詳申尚書省本部照得太常寺看詳事理已得允當本部今看詳欲從本寺已看詳到逐項事理施行伏候指揮八月十七日三省同奉聖旨依禮部看詳到事理施行奉勅如右牒到奉行前批八月十八日已時并神位次序儀式付禮部施行仍關合屬去處

欽定四庫全書

禮部志書

五

符寺施行當寺除已牒臨安府鑊板頒降外所有神位儀式并禮器圖本頭粘在前牒州施行州司今奉知府修撰躬親對畫一詮次下案遵守合行備牒州學諸縣仍關撫司遍牒諸州領下諸縣照應施行

一據申伏親政和五禮新儀神位門釋奠文宣王以充國公顏回鄒國公孟軻舒王王安石配饗西上今按舒王王安石已有指揮降在從祀之列故淳熙編類祭祀儀式已行刪去但不曾明載由來申請指揮

觀者未免疑惑其充鄒二國公坐位右從政和新儀即合南向紹興年間嘗有指揮徙于先聖之東南而皆西向北上今州縣亦多不見出此項指揮其二國公坐位往往差錯乞賜檢會行下庶免疑惑

本寺檢照國朝會要崇寧三年五月二十日太常寺言國朝祀儀諸壇祀祭正位居中南面配位在正位之東南西面或有兩位亦只作一列以北為上其從祀之位又在其後今國子監顏子孟子配

欽定四庫全書

禮部志書

六

享之位即與閔子騫等從祀之位同作一列雖坐次少出而在文宣王帳座之後於配饗之禮未正乞改正顏子而下從祀享位次為圖頒示天下詔從之靖康元年五月三日右諫議大夫楊時言伏見蔡京用事二十餘年蠹國害民幾危宗社人皆切齒而論其罪者曾莫知其所本也蓋京以繼述神宗皇帝為名實挾王安石以圖身利故推尊安石加以王爵配享孔子廟庭而京之所為自謂得

安石之意使人無得而議其小有異者則以不忠不孝之名目之痛加竄點人皆結舌莫敢為言而京得以肆意矣然則今日之禍實安石有以啓之也臣謹按安石挾管商之術飾六藝之文姦言變亂祖宗法度當時司馬光已言其為害當見於數十年之後今日之事若合符契其著為邪說以塗學者耳目敗壞其心術者不可縷數姑即其為今日之害尤甚者一二事以明之則其為邪說可見矣昔神宗皇帝嘗稱美漢文惜百金以罷露臺曰朕為天下守財耳此慎乃儉德惟懷永圖正宜將順安石乃言陛下能以堯舜之道治天下雖竭天下以自奉不為過守財之言非正理曾不知堯舜茅茨土階未嘗竭天下以自奉其稱禹曰克儉于家則竭天下以自奉者必非堯舜之道其後王黼朱勔藉其說以應奉花石之事竭天下之力號為享上實安石竭天下自奉之說有以倡之也其釋

鳧鷖守成之詩於末章則謂以道守成者役使羣動泰而不為驕宰制萬物費而不為侈孰敝敝然以愛為事夫鳧鷖之五章詩曰鳧鷖在疊公尸來止熏熏旨酒欣欣燔炙芬芬公尸燕飲無有後艱詩之所言止謂能持盈則神祇祖考安樂之而無後艱爾自古釋之者未有為泰而不為驕費而不為侈之說也安石獨倡為此說以啟人主之侈心其後蔡京輩輕費妄用專以侈靡為事蓋祖此說耳則安石邪說之害豈不甚哉伏望睿斷正王安石學術之謬追奪王爵明詔中外毀去配享之像使邪說淫辭不為學者之惑實天下萬世之幸取進止五月三日奉聖旨王安石合依鄭康成等例從祀孔子廟庭令禮部改正施行本寺今看詳究國公鄒國公坐位并王安石降在從祀之列合照應前項典故施行

一據申伏觀政和五禮新儀閔損以下九人並封兩

字公曾參封武成侯淳熙編類祭祀儀式閔損以下  
九人並封一字公曾參封成侯今按淳熙儀式所封  
公爵皆就通典本國加封其成侯曾參舊封郕伯今  
恐亦合作郕侯

本寺檢照唐通典曾參封郕伯檢照政和五禮新  
儀係加封武成侯淳熙儀式又加封成侯照得顏  
子以下並因通典國名加封今合從通典元封國  
作郕侯

欽定四庫全書

紹興州志卷之四

九

一據申伏觀政和五禮新儀殿上先東五位後西五  
位其西第一位即通計之第六位也兩廡亦先東三  
十一位次西三十一位其西廡之第二位即通計之  
三十二位也又次東第三十二位至第四十四位其  
第三十二位即通計之六十三位也又次西三十二  
位至第四十四位其第三十二位即通計之七十六  
位也淳熙儀式則自古至今皆以東西相對為序

第三第五第七第九等位并居東第二第四第六第  
八第十等位并居西按政和新儀武成王殿上兩廡

並以古今東西相對為序與此正同  
而文宣王廟不照此例外不可曉

固不若淳熙之善但政和依論語以閔損為第一冉  
雍為第三而淳熙反之為誤今乞改正又兩廡位次  
本皆出於通典今以通典校之則其間皆又不能無  
差互竊謂今當以通典次第自顯孫師至步叔乘七  
十一人依淳熙儀式東西相對設位庶幾得之但政  
和新儀淳熙儀式以會要所載從祀指揮考之皆脫  
泗水侯孔鯉一位今乞于通典步叔乘下即以孔鯉  
次之

欽定四庫全書

紹興州志卷之四

十

通計第七又以左丘明荀況公羊高穀梁赤以下至  
十三人

王安石二十五人次之皆東西相對

左丘明係西三  
十七位荀況係

東三十八位公羊高係西  
三十八位後並以此推之

但新儀公羊高誤在荀況  
之上左丘明誤在荀況之下

鄭衆揚雄鄭康成賈逵  
次序亦誤蓋當時不尚春秋兼廢史學故特於此失

之而淳熙儀式未能盡正今左丘明公羊高已依淳  
熙儀式改正其揚雄以下即合依漢書時代先後以

揚雄鄭衆賈逵杜子春馬融盧植鄭康成為序揚雄西四

十二位鄭衆東四十三位賈逵西四十三位杜子春東四十四位馬融西四十四位盧植東四十五位鄭康成西四十五位服虔東四十六位後依此推之

本寺檢照得淳熙儀式兩廊從祀以東西相對今

合依淳熙儀式位序東西相對為序所有政和新

儀淳熙儀式弟子姓名自第十四位司馬耕以後

次序不同亦與史記弟子列傳唐通典並皆不同

照得唐通典係依史記弟子列傳惟公夏首公祖

欽定四庫全書

紹熙州縣志卷之四

十一

句茲并顏之僕以後次序稍不同又列傳不記林

放申張陳亢琴張蘧伯玉五人今來參考通典所

載比史記較備合依通典次序照得泗水侯孔鯉

政和五禮新儀淳熙儀式不曾該載檢照會要崇

寧元年二月二十五日封孔鯉為泗水侯孔伋為

沂水侯今來政和五禮新儀淳熙儀式唯載沂水

侯孔伋却無泗水侯孔鯉其孔鯉位次合在孔伋

之上

一政和五禮新儀西廡臨川伯王雱近年已有指揮  
罷去然學者亦未備知乞檢會并賜行下

本寺檢照中興禮書淳熙四年七月二十日詔文

宣王從祀去王雱畫像先是二月二十二日臣僚

劄子奏臣近因奏事輒以本朝名將從祀武廟之

請冒聞淵聽曲蒙隆寬不問愚陋玉音溫然亟賜

俞允所以褒勸國家果毅之臣為惠甚厚然臣復

有管見不敢自默竊惟文武二柄其用本一不容

欽定四庫全書

紹熙州縣志卷之四

十三

有偏廢之弊邇者陛下親屈帝尊臨幸兩學復戒

攸司並加繕治蓋深得文武兼用之意今本朝名

將方議從享以文準武理宜一揆大成陪祀豈容

弗講臣嘗考唐皮日休抗言于朝欲以名儒韓愈

配享孔廟當世肆之本朝儒臣惟熙寧宰相王安

石及其子雱獨被斯寵然安石之學君子不以為

正至雱則孔臭盜名公論尤所弗與若存安石於

諸儒之列容或可恕至如雱者迺與韓愈比肩西

廡何以示勸實為未當因循至今莫或釐正臣竊惜之惟我國家二百年中儒先輩出其間道德醇全文學宏奧為後來師表者歷歷可指列之廟貌誰曰不宜臣愚欲望陛下斷自宸衷誕發明詔草配食之溫垂萬世之公取本朝大儒有功斯文卓

然在人耳目者進參列祀風示天下咸知陛下總攬文武本無輕重以恆長久之畧而又升黜去取一正公議以示趨嚮之方實天下幸甚取進止詔

欽定四庫全書

紹興州府志卷四

十三

令禮部兩省官同太常寺議定申尚書省五月十八日禮官給舍國子監官赴後省集議而有是詔本寺勘會合照應前項中興禮書施行

一釋奠時日注云仲春上丁仲秋下丁檢準紹興乾道淳熙令並云二月八月上丁釋奠文宣王却無下丁之文又嘗竊見政和五禮申明冊內有當時州郡申請禮局已改下丁為上丁訖其後又是故數文閣待制薛弼行狀乃其任杭州教授日所申今到本州

檢尋頒降舊本却無此條恐是前後節次頒降致有漏落將來如蒙別行鏤板即乞先於儀內改下丁字作上丁字仍檢申明冊內備錄此條全文附載篇末以證元本之失仍下州郡有舊本處並行批鑿改正庶使州縣奉行有所依據

本寺檢照大中祥符二年九月二十九日知興元府李防上言檢會臣十年前八月上旬奉勅差攝先祿卿於國學釋奠行事是年社在八月下旬尋

欽定四庫全書

紹興州府志卷四

十四

問得主事人云就上丁先釋奠直至下旬方祭社如此則顯合禮經深符祀典臣竊見自來諸道州府春秋釋奠只用社前一日行祭不以上丁次丁為準至有社在中下旬者釋奠亦隨之因循既久有違典故望下禮官詳定禮院言按禮文上丁釋奠至聖文宣王上旬丁日也今若以社定日有違禮例望如防所奏申諭諸路從之又政和四年臣僚上言竊以朝廷昌明聖學風化遠及海邦以陶

士類尊道貴德振古未聞然則祀先聖先師之日  
宜有定期昨頒禮之初偶因有司失於照應立文  
差舛遂致州縣遵奉不一臣伏觀五禮新儀內二  
十一卷序例時日釋奠文宣王以仲春秋上丁又  
一百四十六卷曰州縣以春秋注云仲春上丁仲  
秋下丁去年六月奉寧軍申兩項異同合如何遵  
用禮部符稱係字畫訛舛合依序例用上丁緣天  
下州縣多依一百四十六卷時日仲秋用下丁緣

欽定四庫全書

紹興州縣釋奠儀圖

十五

一元本陳設條內著尊四犧尊四著當作象今來頒  
降新本已行改正而政和年中頒降舊本尚仍其舊  
州縣奉行不無疑惑將來如蒙別行鏤板即乞附載

後來改正因依於篇後或只將此狀全文附載仍下  
州郡并將舊本批鑿庶幾明白不致疑誤

本寺詳看此項欲從本官所申

一祭器淳熙頒降儀式並依聶崇義三禮圖樣式伏  
見政和年中議禮局鑄造祭器皆考三代器物遺法  
制度精密氣象淳古足見一時文物之盛可以為後  
世法故紹興十五年曾有聖旨以其樣制開說印造  
須付州縣遵用今州縣既無此本而所頒降儀式印  
本尚仍聶氏舊圖之陋恐未為得欲乞行下所屬別  
行圖畫鏤板頒行令州縣依准製造其用銅者許以  
鉛錫雜鑄收還舊本悉行毀棄更不行用

本寺勛會欲依本官所申將本寺禮器圖印造同  
祭祀儀式行下隨州縣事力如欲改造即照應依  
式製造施行

牒請詳前項太常寺牒內備坐到事理遵守逐一施行  
具狀供申謹牒紹興五年八月 日牒從政郎潭州善

欽定四庫全書

紹興州縣釋奠儀圖

十六

化縣丞權察推嚴觀察推官關承直郎武安軍節度推

官王文林郎潭州觀察支使王通直郎簽書武安軍節

度判官廳公事連朝散郎通判潭州軍州兼管内勸農

營田事富朝奉大夫通判潭州軍州兼管内勸農營田

事林朝散郎祕閣修撰權發遣潭州兼管荆湖南路安

撫司公事朱

州縣釋奠至聖文宣王儀

時日

欽定四庫全書

州縣以春秋二仲上丁釋奠至聖文宣王前一月檢舉

闕所屬排辦

新澤本增云釋奠前期行事執事官集肄儀祝習讀祭文及祇幣贊者分引行事於

學之講堂訖退

齋戒

前釋奠五日應行事執事官散齋三日治事如故宿於

正寢不弔喪問疾作樂判書刑殺文書決罰罪人及與

穢惡致齋二日一日於廳事具一日質明赴祠所宿齋

唯釋奠事得行其餘悉禁獻官各以州縣長吏關以次官元

已齋而闕者通攝行事

新澤本增云其陪位諸學生皆齋於學館

陳設

前釋奠三日有司設行事執事官次于廟門外隨地之

宜前二日有司牽牲詣祠所前一日掃除廟之內外設

登歌之樂於殿上稍南北向應領樂州府則設釋奠日丑前五

刻執事者陳幣筐各於神位之左幣以祝板各於神位

之右置於坵次設祭器掌饌者實之每位各左十簋為

三行以右為上第一行乾蒸在前乾東形益魚鱸次之第二行鹿脯在前榛實乾桃次之第三

欽定四庫全書

行歲在前右十豆為三行以右為上第一行芹菹在前

之第二行韭菹在前魚醢醢次之第三行豚拍在前鹿醢醢次之俎二一在籩前

羊腥七體兩解兩肩兩脅并脊一在豆前實以豕腥七

兩解在兩端兩肩脅次之脊在中一在豆前體其載如羊

又俎六在豆右為三重以北為上第一重一實以羊腥

端判肺三次之腸三胃三又次之一實以豕腥膚九橫

載第二重一實以羊熟腸胃肺一實以豕熟膚其載如

腥第三重一實以羊熟十一體肩臂肱肱肱正脊一直

肱在上端肱在下端脊脊在中一實以籩二簋二在

籩豆外二俎間簋在左簋在右簋實以黍稷稷在黍前

設犧尊四象尊四為二重在殿上東南隅北向西上位記

和正位犧尊在前皆有坫加勺霤為酌尊犧尊一實明水為上

酌尊之實又設大尊二山尊

二在神位前大尊一實泛齊山尊一實著尊二犧尊二

象尊二壺尊六著尊一實盞齊犧尊一實醴齊象尊一實

酒三實三酒明水盞酒皆在在殿下皆北向西上加霤

五齊三酒皆設而不酌又設諸從祀位祭器每位各左

二邊鼎在前鹿右二豆菁莩在前一在邊豆間實以

欽定四庫全書紹興州縣釋奠儀圖

程簋一在邊前實以爵一在邊豆之

前兩廡各設象尊二清酒以有司設燭於神位前洗二於

東階之東盥洗在東壘在洗東加勺篚在洗西南肆實

以巾若爵洗之篚則執壘篚者位於其後設揖位於廟

南門外初獻在西東向亞終獻及祝在東西向北上祝位

却又設三獻官席位于殿下東階東南西向北上分獻

官位其後祝位二于庭中稍北學生位于庭中北向西

上設初獻飲福位于東序西向又設祝位于殿上前楹

間西向開瘞坎於廟殿之北壬地方深取足容物南出

陞設望瘞位於瘞坎之南三獻官在南北向西上祝在

東西向

省饌

前釋奠一日釋奠官帥其屬常服閱饌物視牲充牯詣

廚視滌漑訖各還齋所哺後掌廟者掃除廟之內外

行事

釋奠日丑前五刻行事仲春用丑時七行事執事官各

欽定四庫全書紹興州縣釋奠儀圖

入就次掌饌者帥其屬實饌具畢贊禮者引初獻常服

事官皆贊升自東階凡行事執事官點視陳設訖退就

次各服其服學生先入就位贊禮三獻官詣廟南門外

揖位立定新譚本注云據士相見禮主人揖入門右賓

左入則以東為右以西為左故儀禮十七篇主人出入

門皆由闕東賓出入皆由闕西此不易之定位也今釋

奠儀設揖位于廟門之外初獻立于闕西東面亞終獻

立于闕東西面誤也當以儀禮賓西主東之位為正

贊禮者贊揖次引祝入就殿下席位西向立贊者對立

者曰再拜初獻以下皆再拜贊者引祝升殿就位贊者

引初獻詣盥洗位同安之樂作初獻升降行止皆作同安之樂至位北

向立執壘者酌水初獻搢笏盥手悅手執笏升詣至聖

文宣王神位前北向立樂止明安之樂作搢笏跪祝立

於神位之左西向搢笏跪執事以幣授祝祝奉幣授初

獻祝執笏與先詣充國公神位前北向立初獻受幣奠

訖執笏俛伏興再拜次詣充國公邾國公沂國公今咸寧三

年升配邾國公沂國公位在充國公之下合增入亞獻終獻文致此邾國公神位前東向

欽定四庫全書臨州州志卷之四 三

奠幣並如上儀樂止祝復位初獻降階樂作復位樂止

少頃贊者引初獻再詣盥洗位樂作至位北向立搢笏

盥手悅手執笏次詣爵洗位北向立搢笏洗爵拭爵以

授執事者按王氏三執笏升殿詣至聖文宣王酌尊所南

向立成安之樂作執事者以爵授初獻初獻搢笏跪執

爵執尊者舉爵執事者酌儀尊之泛齊初獻以爵授執

事者興執笏詣至聖文宣王神位前北向立搢笏跪執

事者以爵授初獻初獻執爵三祭酒奠爵執笏俛伏興

樂止次引祝詣神位前東向直祝捧版在左右搢笏跪讀祝文

讀訖執笏與先詣配位前南向立初獻再拜成安之樂

作次詣充國公邾國公沂國公邾國公神位前東向酌

獻讀祝並如上儀俱復位初獻降階樂作復位樂止贊

者引亞獻詣盥洗爵洗位升詣酌尊所立已上儀節及樂並同初獻

酌象尊之醴齊亞獻以爵授執事者執笏詣神位前搢

笏跪執爵三祭酒奠爵執笏俛伏興再拜次詣充國公

邾國公沂國公邾國公神位前並如上儀降復位樂止

欽定四庫全書臨州州志卷之四 三

贊者引終獻詣洗升殿酌獻並如亞獻之儀降復位終

獻將升次引分獻官詣洗盥手悅手分獻殿內及兩廡

諸神位朱文公云獻十哲者由東階升獻兩廡者由兩廡之階升搢笏跪執爵三祭

酒奠爵執笏俛伏興再拜分獻訖俱復位贊者引初獻

升階詣東序西向立執事者以爵酌正配位福酒合置

於一爵持爵詣初獻之左北向立初獻再拜搢笏跪受

爵祭酒啐酒奠爵執饌者以俎進減正配位胙肉合置

一俎按王氏胙俎各減正齊橫脊又以豆取黍稷飯合置一豆先以

二十六

魏公卜商 第九